

# 1 JON

Jonin ti kamim Jisis siya niisiisiimauum simiir nwir ieya. Ti Jonin saisakinairgin biya Jisisni yai win kibiyim sim niki winkyin simiir nanaakninkiiyam. Mi bigibiyan yokwowa Jon siya winkyia ya iikamim naingwo tibmiiyim simiir boinkika sima, simiir naingwo tibmiiya pi sibgu onkwokripkaiyim ta yaiya yipika Jon siir nhwokinhwocar kiga mi siir wingwiingar mi wakaeya Jisis siirim. Siya simiirin min boinkikin sima iki kamim niksisaeyim sima boinmimauum dimin taeminim Jisis siir yayim simiir hiriinan nwo karam nwowim simiirsi mintirao. Siya simiirin ti hinina boinkikin, sima ti nuan siyupai siyupaiyim simiiram kipi naingwokwo sima irni nwirniyam naingwokwonanaeya Jisis siya hauua sair hiriinan daingwokwonanae. Iriig.

*Yaiyim krimiir whinkinsiis haiginiuwiiyim inigak krima nwoyokiyokikaeyamam sima*

<sup>1</sup> Ta yokwowa krima winkika Jisis Krais siir, yipiki krima dapiyin Yai. Bigi biyarin Krais siya ha nwokin mi siyairgin kwoinbudin omwaiwaiyayokiyokiiyin siir bwamkibwamin. Mi tariinanin krima siir bidi wakaeyim mi siirin krimaki krimar kigin mi siirin krimiir iingar nonkwokiugin. <sup>2</sup> Mi kwoinbudin omwaiwaiyayokiyokiiyin siir bwamkibwamin ini siyar ywowiskiyin mi iiya siya nita krima siir bidiyar kigim mi tariinanin krima siirin

kimiir asi boinmimauwi. Ti inkam nwiruwan yipiki inokinokin hariiyar nwowiyin. Biya siya Adi Komii kimiir Wanin saika niki okin mi ini siyar yanaakninkibudgiyin. <sup>3</sup> Dimin taeminim krīma kigim yim ti sima krīma boinmimauwim kimiir mi ta hariinan saiirsika kima wi iripa asi nongwomamari kimiir hariinan ta krīma nwowiya Adi Komii saika mi siir yinisim ieya Jisis Kraiis saiir hariinan mi nim krīma ini kwoin whiruwar yowowiskiyim. <sup>4</sup> Mi krīma ta yokwowa kimiiram in hariinanam winkika kima wi nwoki sibgu inokninkinim ti dimin taeminim simiirin mi kima mi krīma, kimiir kwoinim wi maigimaiga niki owim. Iriig.

*Krīma Adi Komii kimiir wanin, siir dimin kibi kibiyim simiirarar wakaeyokna ap*

<sup>5</sup> Ti yayim Kraiis siya boinmimauwim kimiir mi nim krīma tisi kimiir swoki kwaboinmimauwim. Adi Komii kimiir Wanin siya ini bienan yowoin siya ni wara bi swoki ominominikin. <sup>6</sup> Mi krīma ti hinina boini siya mi krīma ini kwoin whiruwar yowim mi krīma dimin biye tiri, nim wi niibwomambwo napririri, nim krīma pi niksisaekim mi krīma Adi Komii siir yayi kibikibiyi sair bi wakaeyokna apkim nim siyu bibiyeyim dimin biye tiriyim simiir napkim. <sup>7</sup> Mi krīma ti siyu kibikibiyin Adi Komii siya nwowiyin siirgisiir nwowi mi krīma wi iripar nongwomamair aekiyami siir nhieya saiir karieni mi ta nhieya yipiki siir yinisim iira Jisis naokiinainiya iya siya naonama mi ti dimin biye biyeyim krīma tirim yim siya simiirin wi

h̄riiyar haiyoprimdiȳum̄iyokiyok̄iyami m̄i kr̄im̄iir kwōn̄im̄ ini r̄irm̄iiḡir̄irm̄iyyar ywokiȳm̄.

<sup>8</sup> M̄i kr̄ima ha bōni n̄im̄ kr̄ima dim̄in biȳie wh̄irm̄in wh̄irm̄in karamaeka, n̄im̄ kr̄ima, kr̄ima kr̄imar swok̄i pr̄iyȳiksasaenāei m̄i Adi Kom̄ii siir yai k̄ibi k̄ibiȳm̄ ȳim̄ w̄i kr̄im̄iir kwōn̄au haigi okai rani. <sup>9</sup> M̄i t̄i dim̄in biȳie biȳieȳm̄ kr̄ima t̄ir̄im̄ s̄im̄iir bōn̄ink̄i. Dimusi rani, Adi Kom̄iyȳin dim̄in wh̄irk̄i b̄i k̄imbuḡin m̄i siya ta n̄imbin aair nonkwor̄inuk̄r̄ipkaiȳm̄ dim̄in biȳie biȳieȳm̄ w̄i siya haiyoprimdiȳumiigi m̄i kr̄im̄iir kwōn̄im̄ w̄i r̄irm̄iiḡir̄irm̄iyya nwok̄i. <sup>10</sup> M̄i kr̄ima h̄in̄ina bōni n̄im̄ kr̄ima dim̄in biȳie b̄i t̄irk̄im̄ m̄i kr̄ima Adi Kom̄ii siir̄in w̄i h̄in̄ina bōni, Adi Kom̄ii siya n̄iksisaeyan inkam̄kin. Dimusi rani, ombud kom̄iyȳin dim̄in biȳie k̄ina b̄idi t̄ir̄im̄. Iriig.

## 2

*Krais̄in, inkam̄in dim̄in wh̄irk̄i k̄imbu karamae nwow̄in kr̄im̄iir̄in siya wh̄ink̄insiis haiḡin̄uiḡin*

<sup>1</sup> T̄i kariir nom̄iyyaūm̄ kara naingwokwonanaeȳm̄, kara t̄i yaȳim̄ k̄imiiram w̄inkik̄im̄ m̄i ta h̄iriinan sāirsika k̄ima dim̄in biȳie painisi t̄irsi. M̄i kr̄im̄iir nw̄irk̄i dim̄in biȳie t̄iri, n̄im̄ kr̄ima J̄isis Kraiskakāir̄ḡim̄ t̄i inkam̄in dim̄in wh̄irk̄i k̄imbu karamae nwow̄in siir̄in w̄i siyar wh̄ink̄insiis haiḡin̄uwi. Siya w̄i Adi Kom̄ii siiram asi sr̄iigi w̄i kr̄imiirsi sr̄iigi. <sup>2</sup> Ȳio J̄isis Krai sāair̄ḡin ȳip̄iki b̄idi b̄idiniya sāair̄ n̄ink̄in im̄iyyaenan Adi Kom̄ii kr̄im̄iir Wan̄in siir t̄i dim̄in biȳie biȳieȳm̄ s̄im̄iirsi siir̄ḡisiir nh̄ie aairar m̄i t̄i io kwōn̄ Adi Kom̄ii siya naingwow̄iȳin kr̄imiiram ȳio siya b̄idi ȳik̄r̄ipk̄iȳin. Dimusi rani,

dimin biye biyeyim krıma tirim siya ti hiriinan simiirsi naokin simiir haiyoprımdiyıumiigiyim. Yio krımıir dimin biye biyeyim simiirara rani. Nıngaka. Siya iki iikam whiekakim hında tıdanım simiir dimin biyeyim simiir warar haiyoprımdiyıumiigikim.

<sup>3</sup> Mi krıma siir yai imiir sibgu wakaeyokna api mi krıma siirin wi hanıngın sibgu ninokninkini.

<sup>4</sup> Mi inkam nwirin ha boini, mi kara Adi Komii siirin ina sibgu inokninkinin mi siya yai imiir wakaeyokna ap karamae nwowi mi ti inkam hiriinanın yipi pi nıksisaekin mi Adi Komii siir yayım yim siir kwoın hir wara nwokai rani.

<sup>5</sup> Mi tiriiginim yipiki inokinok Adi Komii siir yai aıram naıngwowyım yim sima ina ninokninkinim siyın siiram naıngwokwonanaeyın siyımwokısiyımwoın. Mi ta hiriinan saeya krıma sibgu dinokninkin nım krıma Adi Komii saıka bidi yamasuım. <sup>6</sup> Mi yipiki ha boini yio siya Adi Komii saıka bidi yamasuwin mi siya wi dimin taeminim biıya Kraıs siya tirim wi simiir hiriınanar timi tir. Iriig.

*Mi yipiki siir nomııyauwam naıngwokwonanaeyın yio Adi Komii siir yai imiir wakaeyokna apikın*

<sup>7</sup> Mi ti kariir nomııyauım kara naıngwokwonanaeyım, ti yayım kara wınkıyım kımıiram hının kima wi panın panına nwowi yim yai win tani. Kima simiir bıdiyar iki wakaeyım iıya kima bıgıbiı Adi Komii krımıir Wanın siiram naıngwo tıbmii kına. <sup>8</sup> Mi ti yayım ti kara wınkıyım kımıiram yim yai wınkım. Mi iikamım

yipiki ti miyim Jisis Kraisi siya miriyim simiir kigim mi ti kima mirii ikim mi sima wi haini ninokninkini taka yaiya ya yai kaimwowaiga. Mi yim ti yayim yim hiniina boinkim, krima krimiir nomiyauim simiiram naingwokwonanae. Dimusi rani, krima ini ti yai imiir wakaeyokna apim mi ti dimin biyeyim ti iikami kwoinawokaiyim nibwomambunan yim wi simbi kinimnisainami mi simiir maeyauwa wi ti dimin kibiyim paenan niyaeiyim wi sima kisina okainaowidi. Jisis Kraisi siyargin bwamkibwamin paenan krimiir niuya haiginiuwiyin.

<sup>9</sup> Mi yipiki ha boini, yio siya Adi Komii siir yai imiirar wakaeyokna apikin mi siya io pi siir nomiyau inaka swoki owi mi yio hiriinan inkamin yio Adi Komii siir yai imiir bi wakaeyokna apikin. Yio ini inkamin niyaka napamwiyyin siyu si sikwo pae min niririya apnam karamae nwowiyin ini siir hiriinan ywowin. <sup>10</sup> Mi yipiki siir nomiyau iiram naingwokwonanaei mi Adi Komii siir yai imiir wakaeyokna api, yio ini inkamin siyu nabie kigimok apiyin ini siir hiriinan ywowin mi yio siya siyu iirin ina sibgu kigimok apin mi siya wi nigikiyamyao akai rani. <sup>11</sup> Mi yipiki siir nomiyau inaka nwowi io mi yio tari Adi Komii siir dimin taemin bi ninokninkinkin. Yio dimin biyie biyeyim simiir wakaeyokna apikin inkamin yipiki siyu si napamwiyyin niyaka si hinin. Mi siir nhwo iirin ni aeya nimui mi ta hiriinan sairsika siya paniisi kigimok api siyu iirin.

<sup>12</sup> Ti kariir nomiyauim kara naingwokwonanaeyim, ta yokwo kara winkiya kara dimusi bi winkikin waridimin biyie biyeyim

kɪma tɪrɪm sɪmɪɪrsɪ wɪnkɪkɪ sɪmɪɪrɪn Adɪ Komɪɪ sɪyɪ  
 bɪdɪ haɪyopɪrɪmɪdɪyɪumɪɪgɪyɪm. Sɪmɪɪrɪn sɪyɪ bɪdɪ  
 haɪyopɪrɪmɪdɪyɪumɪɪgɪyɪm. Dɪmɪsɪ rɪnɪ, dɪmɪn kɪbɪ  
 kɪbɪyɪm bɪɪyɪ Kraɪs sɪyɪ tɪrɪm sɪmɪɪrsɪkɪ. <sup>13</sup> Kɪmɪ  
 tɪ adɪm, kɪrɪ ta yokwɔwɪ kɪmɪɪrɪm wɪnkɪkɪ.  
 Dɪmɪsɪ rɪnɪ, wɪm kɪmɪ sɪɪrɪn ɪnɪ nɪnɔknɪnkɪnɪn  
 yɪpɪkɪ bɪɪyɪ omwɪyɪr nɪkɪ wɪyɪyɔkɪyɔkɪyɪn mɪ  
 tɪrɪɪnɪnɪr nɪdɪgnɪyɪn sɪɪrɪmɪn. Kɪrɪ yokwɔwɪ  
 yɪnɪn wɪrɪwɪnɪm nɔnkɪwɔnɪ kɪrɪmɪ nɪwɔwɪm  
 kɪmɪɪrɪm wɪnkɪkɪ. Dɪmɪsɪ rɪnɪ, Adɪ Komɪɪ  
 sɪɪr yɪyɪyɪ wɪ kɪmɪɪr kɪwɔɪn wɪrɪwɪrɪr nɪkɪ  
 okɪyɔkɪyɔkɪyɪm mɪ kɪmɪ wɪ Sɪtɪn sɪɪr nɪwɔkɪ  
 ɪkwɔwɪsɪɪyɪm. <sup>14</sup> Kɪrɪ yokwɔwɪ yɪnɪn wɪwɪrɪn  
 kɪmɪɪrɪm wɪnkɪkɪ. Dɪmɪsɪ rɪnɪ, wɪm kɪmɪ ɪnɪ kɪrɪ  
 hɪrɪɪyɪr nɪwɔkrɪpkɪyɪm mɪ Adɪ Komɪɪ sɪɪr yɪyɪyɪ  
 ɪnɪ ɪnɪ hɪnɪn kɪmɪɪr kɪwɔɪnɪn kɪwɪrɪ ɪdwɔkɪyɪyɪ  
 mɪ kɪmɪ Sɪtɪn sɪɪr bɪdɪ ɪkwɔwɪsɪɪgɪgɪm. Kɪrɪ  
 yokwɔwɪ ad ɪmɪɪrɪm wɪnkɪkɪ. Dɪmɪsɪ rɪnɪ, wɪm  
 kɪmɪ ɪnɪ nɪnɔknɪnkɪnɪm yɪpɪkɪm omwɪ hɪrɪɪyɪr  
 wɪyɪyɔkɪyɔkɪyɪn mɪ ɪnɪ tɪrɪɪnɪnɪr yɪdɪgnɪyɪn.

<sup>15</sup> Mɪ kɪmɪ dɪmɪn bɪyɪe bɪyɪeyɪm ɪkɪmɪm sɪmɪ  
 tɪrɪyɪm tɪ nu ɪɪrɪnɪm sɪmɪɪrɪm kɪpɪ nɪngɪwɔ  
 sɪmɪɪr wɪkɪyɔkɪnɪ ɪpɪm. Mɪ yɪpɪkɪ tɪ nɪnɪ  
 dɪmɪn tɪmɪnɪm sɪmɪɪrɪm nɪngɪwɔwɪ mɪ yɪɔ  
 tɪrɪ Adɪ Komɪɪ sɪɪrɪm nɪngɪwɔkɪwɔ rɪnɪ. <sup>16</sup> Mɪ  
 dɪmɪn tɪmɪnɪm nɪnɪm yɪm hɪnɪngɪm, mɪ tɪ  
 dɪmɪn tɪmɪnɪm tɪ sɪmɪ kɪgɪm sɪmɪ ɪnɔkɪnɔkɪn  
 sɪmɪɪr haɪyɪmɪr mɪnɪ mɪ dɪmɪn bɪyɪeyɪm  
 sɪmɪɪrɪmɪr mɪ kɪgɪmɪrɪ mɪ sɪyɪ ɪkɪ sɪɪr ɪnɪg ɪɪrɪr  
 hɪnɪnɪeyɪm mɪpɪ hɪ bɔɪnɪ, kɪrɪ dɪgɪwɔrɪkɪwɔkɪ  
 nɪokɪngɪgɪnɪnɪkɪgɪn ɪnɪ ɪkɪ ɪkɪmɪ nɪhɪrɪm sɪmɪɪr  
 haɪbɪrɪn. Mɪ yɪm dɪgɪwɔrɪkɪwɔwɪm yɪm Adɪ Komɪɪ  
 sɪɪr tɪnɪ. Nɪngɪkɪ. <sup>17</sup> Mɪ dɪmɪn tɪmɪnɪm tɪ nɪnɪ

siirim mi dimin taeminim kigmairi ikim yim wi simbi digii mi yipiki dimin taeminim Adi Komii siya naingwowim simiir wakaeyokna api yim wi hiriyyar nokwoyokiyokiigiyami. Iriig.

*Krais siir sau omomim yim wi sima simar nãisiimauunaei*

<sup>18</sup> Ti kariir nomiiyauim, iya ti nu ieya digiyana ya kingiin bidi yitkiya. Mi wim kima ta yai aairin bidiyar yinokninkinim hinin Jisis Krais siir sau omomin wi panin panina nimbiam. Mi Jisis Krais siir sau omom whiekakim yim bidi yitim mi yim sima simar bidi yanaakninkinam mi nim krima ta ii aairin ina ninokninkinim ya ini kingiin nwowa. <sup>19</sup> Dimusi rani, ti kamim yipiki Jisis Krais siir sauan omom win nwowim yim sima iripa kwoin krimaka nwo rani, yipiki Jisis Krais siiram naingwo tibmii kniyim, yim sima krimiir bidi haiburgigim. Mi sima iripa kwoin krimaka nwokiswo mi sima pi iripa krimakar pi ywowin. Mi sima krimiir bidi haiburgigim mi ta hiriinan saiirsika nim krima ta saiirin bidiyar yinokninkin kinim, simiir nwirki iripa kwoin krimaka bi swoki okim. Nningaka.

<sup>20</sup> Adi Komii siir naeyiun ha nitin ini hanin kamiir kwoin imiir ini kwirii idwokaini mi ta hiriinan saiirsika, kima ti dimin taeminim simiir dimin mwokimwoim simiir asi sibgu ninomokninkini. <sup>21</sup> Kara ta yokwowa kimiiram in ha bi win boinkikin, wim kima Adi Komii siir dimin taemin mwokimwoim simiir bi ninokninkin. Nningaka. Wim kima simiirin bidiyar yinokninkinim. Mi ti digworaekwowim yipiki kaimwo nwowim mi ti digworaekwowim

yipiki kaimwo nwo karam nwo ikim wim kima simiirin bidiyar yinokninkin digim. Mi kima ti niksisaeyaiyim yipiki yaimwokiyaimwoim simiir ninikikrimkripiyim simiirin ina mi inokninkinim.

<sup>22</sup> Mi yipiki niksisaeyin? Mi ti inkamin yipiki ha boiniyin Jisisin yio Kraisi rani mi ti hiriinan inkamin Adi Komii siya nimbingii mi siya siirin wa nikropkii. Mi yio ti inkamin yio Jisis siir sau omomkin. Mi Adi Komii siya mi siir yinisim ieya sowiirniyin digumii bi haimriiyugigo. <sup>23</sup> Mi ti iikam hiriinanin yipiki Jisis Kraisi siir misisaeyim mi yim sima iriipi hiriinan Adi Komii siir warar mi misisaeyi simiir Adin. Mi ti iikamin yipiki Jisis Kraisi siir haiyim mi yim sima iriipi hiriinan Adi Komii siir warar mi inkin haigim simiir Adin. Iriig.

*Adi Komii siir naeyuin krimiirin siya nisimaugin yai miyik*

<sup>24</sup> Mi ta hiriinan sairsika kima wi kimasiiyar mintiraona. Mi yai kibiya yipiki bigibi kimar wakaeya, ya kimiir kwoinawaraurar haig-nonkworinukripkai. Mi kima ti hiriinan tiri mi kima wi kwoin whiruwa Adi Komii siya mi siir yinisim ieya wi sowakaniiyar nwowi. <sup>25</sup> Mi yim tiriiginim yim sima Jisis Kraisi siya nimbingiyim krimiiram krima haiyim. Siya krimiir whinkinsiis haiginuwam nimbingikin mi krima wi Adi Komii saika nwoki sibgu oyokiyokiikaeyamim.

<sup>26</sup> Kara ta yokwowa kimiiram winkika kimiir boinworwokaigiyim ti dimin taeminim yipiki ti iikam ima naingwowyim kimiir niksisaeyam. <sup>27</sup> Mi Jisis Kraisi siya siir naeyuin kimiir bidi hauugiyin mi ta hiriinan sairsika siya kimiir



asi whinkinsiis haiginiuwi. Mi ti naeyiun kimiir kwoinaw waraurar nwokaikripkaii mi kima wi inkam nwiram noksir tani kimiir nowomwarkaiyuwamin. Mi ti naeyiun kimiirin wi siyar nowomwarkaiyuwi dimin taemin whiekakim. Mi ti dimin taeminim wi siya nowomwarkaiyuwi, yim niksisee dimin tani yim kaimwowaigim. Mi yim wi ti hinina nwowi, kima ta Adi Komii siir naeyiun siir yai aiir wakaeyoknaei, wim wi Jisis Kraiss saika namasukikini.

<sup>28</sup> Ihi, ti kariir nomiiyauim, kima Jisis Kraiss saika damasukikin. Mi kima ti hariinan tiri mi iya siya swoki iti nua tiriir mi nim krima wi maigimaigra nwowini siir kigamin, krima wi nididwin tani mi wi mi agwoprakai rani. <sup>29</sup> Wim kima bidiyar yinokninkinim Adi Komii siya bimbuiwi rani mi yipiki dimin miyik tiri mi kima wa ninokninkini siya siir yinisimkin. Iriig.

### 3

#### *Tariinanin krima ini Adi Komii siir yinisisim nwowim*

<sup>1</sup> Kima whiekakarın ta saiir wakaeki, Adi Komii krımıir Wanın siya krımıiramın nhami nhami naıngwokwo rani mi ta hariinan saiirsika siya krımıirin siir yinisim asi nıkıugım. Yım ti yayım yım kaimwowaırgım. Nım krıma siir yınısısımkıım. Mı ikamım yıpıkı tı nuan sıyıı imıir wakaeyokna apnıknııubumbunanıyım mı tı tariınanar nadıgnıyım yım Adi Komıı siir bı nınoknıknıknım. Mı ta hariinan aeya sıma tı dımın taemınım krıma wakaeyokna apıyım sımiir

paniisi yinokninkinsi. <sup>2</sup> Ti kariir nomiiyauim kara naingwokwonanaeyim, nim krīma Adi Komii siir yinisisimkim. Mi krīma sibgu ninokninkin tani mhoiia krīma wi panin panina namisi owi. Mi Adi Komii siya ti dimin hiriinanin krīmiir bi niki iisiimauugin. Mi ti diminin sasaigin krīma sibgu inokninkinin Jisis Kraiis siir, yio hinūngin siya wi sipi swoki iunaiini mi krīma wi siirar kigwini mi iia krīma siir kigwini mi nim wa ninkpit iuguskii mi wi siir hiriinanar namwowiwi. <sup>3</sup> Mi yipiki ti dimin taeminim nimbiiyamanim simiiram nwokwokini mi yim sima wi hiriihiriyyar boininaei dimin biyie karamaeka mi sima wi dimin whirki kimbu karamaeyar nwowi Kraiis siya nwowa dimin whirki kimbu karamae siir hiriinan.

<sup>4</sup> Dimin biyieya saiir bwamkibwamin Adi Komii siir siyū komii siir yaiya siyar kwīnakibiri. Mi ta hiriinan saiirsika ti iikamim dimin biyieki naokingugunankaiyim sima Adi siir siyū komii siir yaiyim simiir asi ninakrimkripi. <sup>5</sup> Mi kima ina ninokninkinkinim ta Jisis Kraiis siya nuunaiiniya nua tiriir iikam simiir dimin biyie biyieyim simiir haiyoprimdiyūmiigiyam siya dimin biyie whirmin whirmin bi swoki tirmintirminkin mi siya ti hiriinan tiramar mi aingwokin. <sup>6</sup> Mi ta hiriinan saiirsika, tiki iikam whiekakim yipiki Jisis Kraiis saika namasukikinim yim sima inokinokin dimin biyie bi tirkim. Mi ti iikamim yipiki inokinokin dimin biyie biyieya tirnanaeyim mi simiir kwoinim Kraiis siiram naingwo karamae nwowiyim yim siirim bi wakaeyokna apikim.

<sup>7</sup> Ti kariir nomiiyauim, kima iikamim simiiram

kipi kiwaki kimiir niksisaeyim. Mi yipiki siyiu miyikimiyikni nwowi mi yio sikisiya inkamin. Dimusi rani, Adi Komii siya krimiirin ha kigi nim krīma dimin whirki bi kimbugim Jisis Krai siir hiriinan dimin whirki kimbu karamae siya nwowa saiir hiriinan. <sup>8</sup> Mi yipiki dimin biyeyim simiirsimiira tīrnanaei mi yio tari Setanikin. Biya mi tariinanin iriipi hiriinan Setan siya ini dimin biyeyar tirkripkaiyin. Mi tiriiginim yipiki dimin biyeyim simiir simiira tīrnanaeyim yim siir iikamkim. Mi Adi Komii siir yinisimin siya nitin ti nu iir siya dimusi bi nitkin siya Setan siir miyim simiir digiguskiyam nitkin.

<sup>9</sup> Mi yipiki Adi Komii siir yinisim nwowi mi yio tari siir naeyu iir bidi haiyin. Mi ta hiriinan saiirsika, siya dimin biye paniisi tiryokiyokiyamsi. Nīngaka. <sup>10</sup> Mi ti hiriinan siyūin, nim krīma ina ninokninkinim yipiki Adi Komii siir yinisimin mi yipiki Setani yinisimin. Mi yipiki dimin biyeyim simiir simiira tīrnanaei mi yio tari Adi Komii siir yinisim tani. Mi yipiki siir nomiiyau iiram naingwokwonanaei karamae nwowiyin mi yio Adi Komii siir yinisim tani. Iriig.

*Kīma kīmiir nomiiyauim simiiram daingwokwonanaei*

<sup>11</sup> Mi ti yaeyim yipiki biigi bi kīmar wakaeyim, kīma siir yai aiirin hinina wakaekim krīma irni nwirniyam daingwonanaei, <sup>12</sup> mi krīma io whwonkam kipi nanao ti inkamin Ken nikūwiyin siir hiriinan yio siya Setan siirgin mi yio siya siir nomousim iir asi nisomaokin. Mi siya siir dimusi nisomaokin? Siya siirin mīnsi nisomaokikin,

dimin taeminim siya tirim yim miyik rani mi dimin taeminim siir nomousim ieya tirim yim wadiekim. Mi siya siirin io ha nwowin mi siya siirin ina yisomaokiyin.

<sup>13</sup> Kima mouni hanin kipi siinkaoki. Dimusi rani, iikamin yipiki Adi Komii siir wakaeyokna ap karamae nwowiyim yim sima kimaka whwokwoka nwo rani. <sup>14</sup> Mi krīma krīmiir nomiiyau imiiram naingwokwonanaei mi krīma wi haini ninokninkini krīma dimin biyeyim simiir wakaeyokna ap rani mi hiriinankiniuwi, krīmiir kwoinim yim wi paeki niu rani. Mi krīmiir kwoinin yio wi pi ninkpitkii mi wi omwaiyar swoki waiyai mi siya wi Adi Komii saika nwoyokiyokikaeyami Mi yipiki siir nomiiyau iiram naingwokwo karam nwowi mi yio tari dimin biyeyim simiir wakaeyokna apikin mi siir kwoinin yio bidi yaowigusamin siya Adi Komii siir dimin taeminim simiir naingwoyiskai rani. <sup>15</sup> Mi yipiki io whwonkam siir nomiiyau iir nanaowi mi yio ini inkamin iikam nisomsomaokaowiyin ini siir hiriinan ywowin. Kima ina ninokninkinim ti inkam hiriinanin yio siir kwoinin bidi yaowin mi yio siya Adi Komii siir dimin taeminim sim whir wara swoki aingwoyiskai rani. Mi siya wi saika nwoyokiyokikaeyam tani. <sup>16</sup> Biya Jisis siya krīmiirsi naokin mi ti hiriinan siyuin siya krīmiir min nisiimauugin iikam nharmiyam siya naingwokwonanaeiya sair bwamkibwam iir. Krīma ti dimin taeminim Jisis siya tirim simiirarar tir. Krīma krīmiir nomiiyauim simiiram daingwokwonanaei mi krīma naosi kipi nidid simiir whinkinsiis haiginusiyin. <sup>17</sup> Mi

yipiki siir nu iirar nwowi mi siya digworaekwoki naokingugunankaii mi ha ninokninkini siir nomiiyauin yio dimin karamaeka mi siir mwoin nikrimkrae karamae nwowi mi siya ha boini siya siirin wi dimin sim whir swoki hauu rani mi Adi Komii siir naingwokwonanaeya wi panina haigiprakai siir kwoinuin? Sima wi dig nwo rani! <sup>18</sup> Ti kariir nomiiyauim kara naingwokwonanaeyim, krima yayim naekak nwo karam nwowiyim simiirin hinda kipi priboin priboin mi hinina kipi mi boin, nim krima iikam imiiramar naingwokwonanaeikim. Krima simiir whinkinsiis haiginu mi simiir diisiimauu hinin, krima simiiramin nhaminhami naingwokwonanae rani. Friig.

*Iikamim yipiki Adi Komii siir yai aair wakaeyokna apiyim yim sima siir whwonkam idan wi nididgak nwo rani*

<sup>19</sup> Mi ti hiriinan siyiuin, nim krima wa nwoki inokninkinim hinin nim krima Adi Komii siirgin yipiki dimin mwokimwoim simiir bwamkibwamin. Mi ti hiriinan siyiuin, krimiir kwoinim wi nidid rani, krima Adi Komii siir whwonkam ida nokwowi. <sup>20</sup> Mi krimiir kwoinim sima krimiirin hinina boini, nim krima dimin biye bidi tirim. Dimusi rani, Adi Komii siya dimin taemin imiirin ina ninomokninkin digin mi krimiir dimin biye biyeyim yim wi siya haiyoprimdiyumiigii mi krima wi simiirsi nidid rani mi siya ti dimin taemin imiirin whirminwhirmin bi nokpaokigin, siya simiirin ina ninomokninkin digin. Mi ti dimin taeminim krima ninokninkin karamae nwoka, windi yio

siya ina ninokninkinin. <sup>21</sup> Ti kariir nomiiyauim kara naingwokwonanaeyim mi krimiir kwoinim sima krimiirin hinina boinmauu karamae nwowi, krīma miyik rani mi iya krīma Adi Komii siir whwonkam ida nokwowi mi krimiir kwoinim wi kirie hriiyar nwokripkaii. <sup>22</sup> Mi krīma Adi Komii siiramın diminam sr̄ii mi siya krimiirin wa hauuwi. Dimusi rani, nım krīma yai imiir wakaeyokna apkim mi krīma dimin miyik miyikim siya naingwowim krīma tiram krīma simiir tirkim. <sup>23</sup> Biya Adi Komii siya ti yayim krimiir bidiyar iki boinmauim. Krīma siir yinisimın Jisis Krai siir wakaeyokna ap mi irni nwirniyam dinan aingwokwo. <sup>24</sup> Mi yipiki Adi Komii krimiir Wanin siir yai imiirarar wakaeyokna api, siya mi Adi Komii siya sowa wi kwoin whiruwa nwowi mi siir naeyiun yio Adi Komii siya hauugiyin krimiir, ti Adi Komiiyin siya ini krimiir kwoinau tir kwirii idwokaiyin mi ta hriinan saiirsika nım krīma ina mi inokninkinim nım krīma ini kwoin whiruwa saika nwowim. Iriig.

## 4

*Adi Komii siir naeyu ieya mi yiu biyeyin niksisei ikın*

<sup>1</sup> Ti kariir nomiiyauim, iikam whiekakim yipiki yai bibiyeyim niksiseeyim sim nanaaknkii haiginuwiiyim hinda tında bidi yinoopkiyim. Mi iikamim kimiiram niti mi sima ha nini boini, yim sima Adi Komii siirgim mi kima wi kipi niki anka aingwo tibmii kin simiir yai airamın. Biyyin kima simiir tiki kinankiu mi sibgu sibgu tiki kigimoki ti

simiir hir nwokaiyin yio Adi Komii krimiir Wanin siir naeyiu ieya piyamisi owin, iyie uridyiu biyieki piyami owin. <sup>2</sup> Mi kima wa kigninokninkinkii, Adi Komii siir naeyiun siya ini hanin simiir kwoin imiir kwirii idwokaii. Mi yipiki ha boini, Jisisin yio Adi Komii siir kwoinkar naingwo imbingikin, tiriir nitamin mi siya ini inkam kingikinar yauni oniyin mi kima wi haningi ninokninkinkii, Adi Komii siir naeyiun ini ti inkam iir nwokaiyin. <sup>3</sup> Mi yipiki Jisis Kraisiir hanna boin karamae nwowi mi ti kwoinin siir kwirii idwokaiyin yio Adi Komii siir tani. Nngaka. Tiki kwoinin yio Kraisiir sau omomkin. Kima bidiyar iki inokninkinim haniin siya wi sipi niti. Mi tariinanin siya ti nu iir bidi yauni oniyin.

<sup>4</sup> Ti kariir nomiiyauim kara naingwokwonanaeyim, wim kima Adi Komii krimiir Wanin siirgim mi wim kima ti iikam biyie biyeyim simiir bidi ikwowaisiigigim. Dimusi rani, yipiki wari kimiir kwoinawu kwirii idwokaiyin siyairgin yipiki ti iikamim nuanim simiir kwoinawu kwirii idwokaiyin yipiki niksisaeyin siir nikwowaisiyyin bi. <sup>5</sup> Mi ti iikamim yipiki niksisaeyim yim nu tiran ima yim sima Adi Komii siir tani. Mi ti dimin taeminim sima boiniyim yim nu tirankim mi ta hiriinan saiirsika tiki iikamim nuanim simiir asi wakaei mi simiir asi wakaeyokna api. <sup>6</sup> Mi nim krima Adi Komii siirgim. Mi ti iikam yipiki Adi Komii siirim sima inokinokin krimiir yayim simiir simiira wakaenanaeikim. Mi ti iikamim yipiki Adi Komii siir karamaeyim yim sima krimiir yayi imiir bi swoki wakaekim. Nngaka. Mi ti hiriinan siyiun

nim krıma ina ninokninkinim ti iikamim yipiki Adi Komii siirgisiir naeyiugakim mi ti iikamim yipiki Setani niksısae naeyiın si nwokaiyim simiirın ina mi inokninkinim. Iriig.

*Adi Komii sasairgin naıngwokwonanaeyin*

<sup>7</sup> Ti kariir nomiiyauım kara naıngwokwonanaeyım, kima ırni nwırniyam daıngwokwonanae. Mi ti siyıu hiriinanın ırni nwırniyam krıma naıngwokwonanaeyin yio Adi Komii siirgisiirgin. Mi yipiki siir nomiiyau iiram naıngwokwonanae yio Adi Komii siir yinisimkin mi yio siya siirın ina sibgu inokninkinın. <sup>8</sup> Adi Komii siyairgin naıngwokwonanae sair bwamkibwamın. Mi ta hiriinan sairsika, yipiki siir nomiiyau imiiram naıngwokwonanae karamae nwowi mi yio tari Adi Komii siir bi ninokninkinın. <sup>9</sup> Adi Komii siya krımiir bidi yisiimauuın hinın, siya krımiiram naıngwokwonanaeikın. Mi siya siir yinisim nwırkinwıruwan asi nikropkikın mi siya krımiir whinkinsiis haigınuwam nitkin mi ta hiriinan sairsika krıma wi wadie saıka asi nwoyokiyokiıkaeyami. <sup>10</sup> Mi naeyiın naıngwokwonanaeyin siir bwamkibwamın yio si. Ta krıma naıngwokwonanaeya Adi Komii siiram saeya rani. Mi krımiiramın bi siyar naıngwokwonanaekın mi siya siir yinisim iirın ina yikropkiyin mi ta hiriinan saekısaeyairga Adi Komii siya krımiir dimın biye imiirın siirsiyar haiyoprimdiyıumiigikın.

<sup>11</sup> Ti kariir nomiiyauım kara naıngwokwonanaeyım, ti dimın taemin hinınim yım krımiir nısiimauugım hinın Adi Komii



siya krımıramar naingwokwonanaeikin mi nim krıma wi ırni nwırniyam mi aingwokwonanaeyim. <sup>12</sup> Adi Komii siirın inkamki bi swoki kigmimınkin. Mi krıma ırni nwırniyam naingwokwonanaei mi ti Adi Komiiyin ti krımıir kwoınau kwırri idwokaiyin mi krıma wi siiram naingwokwonanaei mi krıma wa ninokninkini siya ini krımıramar naingwokwonanaei iskiyin.

<sup>13</sup> Krıma ına ninokninkinim krıma mi Adi Komii siya krıma ini kwoın whıruwar nwowıskiyim. Dimusi rani, bıya siya siir naeyauın krımıir niki hauugikin mi siya ini krımıir tir nwokaiyin. <sup>14</sup> Nim krıma Jisis siir bıdi kigim mi krıma ta yai aiir asi boınmımauwı. Adi Komiiyin siir Adın siir yınisim iirın siya nıkropkikin iikam krımıir nanmaiwarkainam mi ta hırıinan saiirsika siya iikam whiekakim nu tiranim simiir asi whinkinsiis haigınıugin dimın biyeyim ti nuın siirim simiir kirie aiir kintiokiyam. <sup>15</sup> Mi yipiki ha boini Jisis siya Adi Komii siir yınisimkin mi ti inkamın siya mi Adi Komii siya sowa wi kwoın whıruwar nwowı. <sup>16</sup> Adi Komii siya siyairgin naingwokwonanae saiir bwamkibwamın mi nim krıma ına ninokninkinim siya krımıramın ına naingwokwonanaeyin. Mi ti iikamım yipiki iikam nhirmiyam naingwokwonanaeyim, yim sima wi Adi Komii saıka kwoın whıruwar nwoyokiyokıkaeyami. <sup>17</sup> Adi Komii siya hırıına naingwowi, nim krıma iikam imiiramın nhami nhami naingwokwonanaei rani. Mi krıma hırıinan tiri mi ti dimın taeminim ti tariinan krıma tirim yim ini ti dimın taeminim bıya Kraıs siya

tirim ini simiir hiriinan ywowim. Mi krimiir in wi Adi Komii siya whinkinsiis haiginiuwi hindara naingwokwonanae iskiyim. Mi mhoiia iya Adi Komii siya hidi iikam imiir mi nim krīma wi nidid rani. <sup>18</sup> Mi yipiki hiniina ninokninkini Adi Komii siya siiram naingwokwonanaei mi siya wi nidid rani. Mi yipiki Adi Komii siirgisiiram naingwokwonanaei mi siya wi dimin taeminsi nidid rani. Inkamin dimusi nididi? Siya dimusi nidid rani, siirin wi Adi Komii siya nonkwobumbuninkini ti dimin biyie biyeyim yipiki biya siya tirim. Mi yipiki Adi Komii siirsi nididi mi yio tari Adi Komii siya mi iikam ima simiiram in sibgu naingwokwonanaei rani.

<sup>19</sup> Nim krīma Adi Komii siya mi iikam ima simiiram naingwokwonanaei. Dimusi rani, siya biigibiyin krimiiram naingwokwonanaekin. <sup>20</sup> Mi inkam nwrki hiniina boini siya Adi Komii siiram naingwokwonanaeikin mi siya siir nomiiyau inika pi io nwowi mi yio ti inkamin pi niksisaekin. Iikam krīma Adi Komii siir bi swoki kigmiminkim. Mi yipiki siir nomiiyau iir kigi mi siiram naingwokwonanae karamae nwowi mi siya Adi Komii siiram in wi panina naingwokwonanaei yipiki siya kig karamae nwowin, ha? Mi inkamin siir nomiiyau in saika nomboboin ae karamae nwowi mi yio wi Adi Komii siiram naingwokwonanaei rani. Nningaka. <sup>21</sup> Jisis Kraisi siir yaiya ya krimiir bidi hauwa, krīma sair wakaeyoknam. Mi yipiki Adi Komii siiram naingwokwonanaei mi siya iriipi hiriinan siir nomiiyau in siiram warar timi aingwokwonanae. Iriig.

## 5

*Iikamim yipiki Adi Komii siir yai aiir wakaeyokna apiyim dimin biyie biyie imiirin wi sima nikwowaisii*

<sup>1</sup> Mi yipiki hinina naingwo tibmii kini Jisis siya Kraiskin, yipikin Adi Komii siya nikropkiyin mi yio ti inkamin Adi Komii krimiir Wanin siir yinisimkin. Mi yipiki Ad iiram naingwokwonanaei mi siya siir yinisim iiramın wara timi aingwokwonanae. <sup>2</sup> Mi krıma Adi Komii siiram naingwokwonanaei mi siir yai aiir wakaeyokna api mi krıma wi hainii ninokninkini nim krıma siir yinisim iiramar naingwokwonanaeikim. <sup>3</sup> Mi Adi Komii siya naingwokwonanaeiya sair bwamkibwamin ya hininga krıma ti dimin taemin whiekakim siya hauuwim krıma tiram simiirar wakaeyokna iski. Mi ti diminim siya boinanım krıma tiram, yim wi hikak krimiir nwowaiginu rani. Nningaka. <sup>4</sup> Mi siyiuın ti iikamim yipiki Adi Komii siir ninokninkin karamae nwowim sima nwowiyin yio wi dig nwo rani, Adi Komii siir yinisim imiir nikwowaisiıym, simiir kirıeya ini ti simiir siyiu bibiyeyim simiir kou ywowa. Dimusi rani, nim krıma Adi Komii siiram naingwo tibmii kinikim mi krıma wi digar nwowi ti siyiuın ti iikamim yipiki Adi Komii siir ninokninkin karamae nwowim sima nwowiyin siir nikwowaisii iuguskiyim. <sup>5</sup> Mi wi dig nhinga nwowi ti siyiu hiriinanin ti iikamim yipiki Adi Komii siir ninokninkin karamae nwowim sima nwowiyin? Mi tiriiginim yipiki hinina naingwo tibmii kiniyim Jisis Kraiskı siya Adi siir yinisimkin, yim wi digar nwowi. Iriig.

*Adi Komii siya b̄idi sibgu anaakn̄inkii haiḡin̄iugiȳim Kraiṣ siir dim̄in taem̄inim*

<sup>6</sup> Yio Jis̄is Kraiṣ sasārḡin̄ ti inkam̄ nw̄iruwan̄ ti nū iir̄ n̄iun̄aiiniȳin̄. Mī siya op̄ ha bap̄tais̄in̄ mī m̄hoīiya siya ina yaon̄amin̄ paeȳin̄ h̄iiniya n̄ir̄ion̄ink̄in̄in̄ siir, siir nh̄ie aeya naokiin̄aiiniyam̄. Mī iya siya ti nū iir̄ n̄iun̄aiiniȳin̄, siya min̄am̄ n̄iun̄aiin̄ik̄in̄ siir nh̄ie aeya mī siir op̄ aeya sowar naokiin̄aiinisw̄ow̄im̄. Adi Komii siir naeȳiun̄ siyārḡin̄ dim̄in taem̄inim̄ simiir bwam̄k̄ibwam̄in̄ mī kr̄imiir̄in̄ siyar n̄isiim̄auuḡin̄ h̄in̄in̄ Jis̄is siya Adi Komii siir̄ḡis̄iir̄ ȳin̄is̄im̄k̄in̄.

<sup>7</sup> Dim̄in whōim̄uwam̄ simāsīrḡim̄ kr̄imiir̄ n̄isiim̄auuȳokiȳok̄iȳamiȳim̄ h̄in̄in̄.

<sup>8</sup> Adi Komii siir naeȳi ū ieya mī op̄, ta opa Jonk̄i si bap̄tais̄ haiḡin̄i uwa Jis̄is̄ni mī nh̄ie aeya mī ta iya b̄īya Jis̄is siya naonama mī siir nh̄ieya ha naokiin̄aiiniya sair̄ ti swok̄i aingw̄owoknaki. Mī ti dim̄in whōim̄im̄ ȳim̄ dim̄in wh̄iruwan̄ siirarar̄ n̄isiim̄auuḡin̄ Jis̄is siya Adi Komii siir ȳin̄is̄im̄k̄in̄.

<sup>9</sup> Nim̄ kr̄ima yaȳim̄ inkam̄k̄i boin̄im̄ kr̄imiir̄ simiir wakaeȳim̄ mī kr̄ima inī simiirar̄ wakaeyokna ap̄im̄ mī kr̄ima ti yaȳim̄ Adi Komii siya boin̄m̄im̄auuim̄ siir ȳin̄is̄im̄ iir̄ simiir wakae. Dimusi rani, siir yaȳi ya inī ik̄i inkami yaȳim̄ simiir haibura.

<sup>10</sup> Mī ȳip̄ik̄i Adi Komii siir yaȳi im̄iir̄ wakaeyokna api mī siir kwoin̄in̄ pa n̄inokn̄ink̄ink̄ii ta Adi Komii siir yaȳi ya kaimw̄owair̄ga, ya saeya h̄in̄ina boinka, Jis̄is siya kariir̄ ȳin̄is̄im̄k̄in̄. Mī ȳip̄ik̄i ti Adi Komii siir yaȳi im̄iiram̄ naingw̄o t̄ibm̄ii k̄in̄ karamae nwowi mī ti yaȳim̄ ȳip̄ik̄i b̄īya Adi Komii siya boin̄im̄ siir ȳin̄is̄im̄ iir̄ simiir wakae karamae nwowi mī

yio ti hiriinan inkamın ti hiriinan boiniyin yio Adi Komii siir niksısaiei. <sup>11</sup> Ti yaiyim yim Adi Komii siya boinkikim krımıir. Siya krımıirin bıdiyar whınkınsiis haigınıuwın mi krıma wı inıgak saıkar nwoyokiyokıkaeyami. Siya krımıirin ta hiriinan saiırsi whınkınsiis haigınıugın ta siir yınisım iir siya nıkropkiya saiırsi. <sup>12</sup> Mi yıpiki kwoın whıruwa Kraıs siiram nwowi, yio wı hiriıyar nokwoyokiyokıkaeyami. Mi yıpiki hiriinan tir karamae nwowi, yio wı nınga nwowi. Iriig.

*Krıma hınına nınoknınkini krımıir inıgın wı omwaiyar hiriıyar nwokı waiyayokiyokıkaeyamım*

<sup>13</sup> Ta yokwowa kara wınkika dimusi rani, wım kıma iikamım yıpiki Adi Komii siir yınisım iir wakaeyokna apiyim kıma dınoknınkın hının, wım kıma wı inıgak hiriıyar nwoyokiyokıkaeyami. <sup>14</sup> Ya dimusi rani, ti hiriinan siyın krıma wı dımınam Adi Komii siir sıısi nıdid rani. Nım krıma ına nınoknınkınım iıya krıma Adi Komii siiram sııı dımınam yıpiki siir kwoın iir wakaeyokna apiyim siya krımıir yai imiirin wa wakaei. <sup>15</sup> Nım krıma ına nınoknınkınım iıya siya ti dımın taemınım krıma sııgiyim siiram sımiir wakaewıniyin mi krıma pa nınoknınkınii krıma sımiirin wa haii.

<sup>16</sup> Mi yıpiki siir nomııyau iir kigi siya dımın biyeyın yıpiki paeya nami omın siir nam karamae nwowıyin siir tiri mi siya Adi Komii siiram sııı mi siirin wı siya whınkınsiis haigınıuwı mi ta hiriinan saiırsika siya wı inıgak hiriıyar nwokı sıbgu oyokiyokıkaeyamım. Mi ti inkamın siya dımın whır tiri mi siya wı paeni omın siir nami. Mi yıpiki ti hiriinan tiri, yio wı paeya nami omın

siir nami. Adi Komii siiramın tı hının inkamın dimın biyieki naokingugunankaiyın siiram kipi srii. <sup>17</sup> Dimın taemın kasa rani, yipiki iikam ima tirım Adi Komii siir yai imiir kikinwaimwaisiyyım mı dimın taemın biyie biyieyım sima tiriyım yım wı Adi Komii siir tir tani io siya nwowam mı sima wı ta hiriinan saiirsi nam tani paeni omın siirın.

<sup>18</sup> Nım krıma ta saiirın ina ninoknınkınım yipiki Adi Komii siir yınisım nwowi siya wı dimın biyie hiriıyar tıriyokiyokiyam tani. Mı tı hiriinan inkamın siirın Adi Komii siir yınisım ieya kigrıraowi mı ta hiriinan saiirsika Setan siya wı siir tirbu rani.

<sup>19</sup> Nım krıma ina ninoknınkınım nım krıma Adi Komii siirgım mı tı iikam whiekakım tı nu iir nwowım, Setanın yio ini simiir kigrıraowan inkam ywowın mı yım sima wı siir wakaeyokna api.

<sup>20</sup> Krıma ina ninoknınkının Adi Komii siir yınisımın yio bıdiyar yıtın krımiir whınkınsiis haigınıuwam mı ta hiriinan saiirsika krıma Adi Komii krımiir Wanın kıngikının siir asi ninoknınkını yaeya Adi Komii nwır karamaeka. Krıma ini Adi Komii siir yınisımın Jisıs Kraıs ini saıka yamasuswın Adi Komii nwırkinwıruwan sasaırgın mı siya ina nwowın mı krımiirın siyar whınkınsiis haigınıuwı mı ta hiriinan saiirsika krıma wı asi nwoyokiyokıkaeyamı inokıinokın.

<sup>21</sup> Tı kariir nomııyauım kara naıngwokwonanaeyım, kıma tı tidııyauım kamkım sim nıkrımtıo kuuwiıyın uruwai siyaowainan yipiki iikamkım sim hainanıyım simiırsiıyın aru dwo. Iriig.

**Yai Win Kibiya**  
**The New Testament in the Sepik Iwam Language of**  
**Papua New Guinea**  
**Nupela Testamen long tokples Sepik Iwam long**  
**Niugini**

copyright © 1989 Wycliffe Bible Translators, Inc.

Language: Sepik Iwam (Iwam, Sepik)

Translation by: Wycliffe Bible Translators

This translation is made available to you under the terms of the Creative Commons Attribution-Noncommercial-No Derivatives license 4.0.

You may share and redistribute this Bible translation or extracts from it in any format, provided that:

You include the above copyright and source information.

You do not sell this work for a profit.

You do not change any of the words or punctuation of the Scriptures.

Pictures included with Scriptures and other documents on this site are licensed just for use with those Scriptures and documents. For other uses, please contact the respective copyright owners.

2012-10-23

---

PDF generated using Haiola and XeLaTeX on 21 Feb 2024 from source files dated 31 Aug 2023

5350dc83-93b2-5000-9c98-dcdb728ba84f